



Lëtzebuerg, den 19. September 2018

Communiqué de presse

Verbandskongress 2018 vun de Lëtzebuenger Guiden a Scouten

E Mëttwoch, de 19. September 2018 hu sech eng 200 Cheftainen a Chef zu Réimech fir de Verbandskongress 2018 vun de Lëtzebuenger Guiden a Scouten (LGS) zesumme fonnt. De Kongress stoung ganz ënnert de Projeten, déi dëst Joer vum neien Team, dem Anouk Galassi, Commissaire générale an dem Yves Marchi, Commissaire général adjoint, weidergefouert, respektiv nei op de Wee bruecht gi sinn. En ganz wichtegt Thema war eng Statutenännerung, déi de Versprechenstext vun de LGS sollt änneren. Donieft ass och eng wichteg Resolutioun gestëmmt ginn, déi de Verband opfuerdert zu de Wäerter vun de LGS Stellung ze huelen, och am Hibleck vun de Wahle vum 14. Oktober.

De Verbandskongress huet mat engem Zitat ugefaangen: „*Wir glauben, Erfahrungen zu machen, aber die Erfahrungen machen uns*“. D'Anouk Galassi, Commissaire generale, seet dozou: „*Jiddereen hei bannen huet och dëst Joer nees nei Erfahrung gemach an dës hunn all Eenzele vun eis zu deem gemach wien mir haut sinn.*“

Vill nei Projeten

Niewent enger ganzer Réi u Projeten, déi natierlech vum Team dëst Joer weider gefouert oder ofgeschloss gi sinn, sinn d'Lëtzebuenger Guiden a Scouten och vill nei Projeten ugaangen. Lëtzebuerg ass e multikulturellt an internationaalt Land, d'LGS schaffen dofir drun, dass d'Projeten am Verband a méi Sprooche gemach ginn. Dëst wäert sech zum Beispill an de nächsten Editiounen vum Platte Knuet widderespigelen. De Platte Knuet ass d'Zeitung vun de LGS, déi 3 mol am Joer un d'Membere verschéckt gëtt an an där vill flott Artikelen iwwer d'Guiden- a Scoutslieden ze fanne sinn. Fir Sujeten, wéi de Congé Jeunesse, dee fir déi vill Fräiwëlleg vun de LGS immens wichteg ass, ass och den Dialog mam Minister Claude Meisch gesicht ginn.



Projete fir 2019

2019 stinn natierlech d'Weiderféierung vum RAP (Renewed approach to program) an d'Zesummenaarbecht mam SIL (Scouting in Luxembourg) weider ganz uewen op der Prioritéitelëscht. Et ginn awer 2019 och zwee wichteg Projeten di fir d'LGS net zum Alldag gehéieren. Éischtens feieren d'LGS 2019 hier 100 Joer. Fir di 100 Joer ze feiere wäerten eng ganz Réi Aktivitéiten um Programm stoen. Den zweete grouse Projet un deem 2019 wäert geschafft ginn ass, dass d'LGS sech wëllen eng nei visuell Identitéit ginn. Méi gött awer nach net am Virfeld verroden.

Statutenännerung

Nodeems d'LGS 2015 um Ausseruerdentleche Kongress zu Sandweiler decidéiert hunn pluralistesche mat chrëschtliche Wuerzelen ze ginn, ass en vue vun der Statutenännerung vum Comité e neie Verspriecheustext proposéiert ginn, iwwer deem op dësem Verbandskongress ofgestëmmt ginn ass.

Nodeems eng Proposition vum Comité am Virfeld ausgeschafft ginn ass an dorop hin 4 Amendementer proposéiert gi sinn, ass et um Kongress vun de LGS net zu enger 2/3 Majoritéit fir ee vun de proposéierten Texter komm. De Comité vun de LGS wäert an de nächste Wochen a Méint weider den Dialog mat de Guiden a Scoute sichen a weider um Projet vum Verspriecheustext schaffen.

Resolutioun

D'Gillwell Ekipp huet eng Propose zum Thema vun de politesche Stellungname vun de LGS ausgeschafft. Am Prinzip sinn d'LGS politesch neutral, mee dës Resolutioun ass mam But, vum Kongress ugeholl ginn, dass d'LGS sollen zu politeschen Themen, wéi Friemenhaass, Ënnerdréckung an Ongerechtegkeet Stellung huelen.



Iwwer d'Lëtzebuenger Guiden a Scouten

D'Lëtzebuenger Guiden a Scouten sinn de gréissten edukative Jugendmouvement zu Lëtzebuerg. Eis Missioun ass et, déi Jonk dorop virzebereeden, spéiderhi Responsabilitéit fir sech a fir anerer z'iwwerhuelen. An deem Sënn bidden eis motivéiert Fräiwëlleg de Jonken en oppene Kader, wou jiddereen aktiv matmaachen a matbestëmmen dierf.

Fir mech, fir dech, fir eis, fir jiddereen

Zesummen a Gruppe kann all Eenzele flott Erfarunge maachen, Frëndschafte schléissen, sozial Fäegkeete léieren an sech perséinlech weider entwéckelen. Bei de LGS léieren déi Jonk d'Natur ze respektéieren, iwwer sech selwer an hiert Ëmfeld nozedenke fir sech spéider aktiv, och fir anerer, anzesetzen.

Kontakt:

Matthieu Schmit
Chargé de direction LGS
Tel.: 26 94 84
matthieu.schmit@lgs.lu